

Broj: 03-11-2121/2025
Sarajevo, 23.01.2026. godine

Primljeno: 23-01-2026			
Org. jed.	Broj	Priloga	Vrijednost
02	-11-	2405	/25

PARLAMENT FEDERACIJE
BOSNE I HERCEGOVINE

- Dom naroda
gosp. Tomislav Martinović, predsjedavajući

VRLO HITNO

PREDMET: Izjašnjenje Vlade Federacije Bosne i Hercegovine o amandmanima na Prijedlog Budžeta Federacije Bosne i Hercegovine za 2026. godinu - hitni postupak

Poštovani,

U skladu sa članom IV.B.3.7.c) (IV) Ustava Federacije BiH, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog Budžeta Federacije Bosne i Hercegovine za 2026. godinu - hitni postupak**, koje su u Domu naroda Parlamenta Federacije BiH podnijeli: **Fahrudin Čolaković i Mirnes Bašić, delegati (1 amandman) i Marijela Hašimbegović, delegat (2 amandmana)**, a koje je Vlada Federacije Bosne i Hercegovine utvrdila na 276. hitnoj sjednici, održanoj 23.01.2026. godine,

S poštovanjem,

PREMIJER
Nermin Nikšić

Prilog: kao u tekstu

Co: Federalno ministarstvo finansija -
Federalno ministarstvo financija
gosp. Toni Kraljević, ministar

6: pred-ef

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), nakon razmatranja amandmana na Prijedlog Budžeta Federacije Bosne i Hercegovine za 2026. godinu - hitni postupak, koje su u Domu naroda Parlamenta Federacije BiH podnijeli: Fahrudin Čolaković i Mirnes Bašić, delegati (1 amandman), Marijela Hašimbegović, delegat (2 amandmana), Vlada Federacije Bosne i Hercegovine je, na 276. hitnoj sjednici, održanoj 23.01.2026. godine, utvrdila:

IZJAŠNJENJE
o Amandmanu na Prijedlog Budžeta Federacije Bosne i Hercegovine za 2026.
godinu, koji su podnijeli Fahrudin Čolaković i Mirnes Bašić, delegati u Domu
naroda Parlamenta Federacije BiH

AMANDMAN

U Prijedlogu Budžeta FBiH za 2026. godinu, na razdjelu 16, glava 1601 - Federalno ministarstvo finansija-Ekonomski kod 6141 - Tekući transferi drugim nivoima vlasti i fondovima - KANTONI - u Programu 16010301101430 - Upravljanje i kontrola javnim prihodima i rashodima u Federaciji BiH, umanjuje se za 100.000.000,00 KM i sada iznosi 100.000.000,00 KM.

U Prijedlogu Budžeta FBiH za 2026. godinu, na razdjelu 32, glava 3201 - Federalno ministarstvo za pitanja boraca i invalida odbrambeno – oslobodilačkog rata - Ekonomski kod 6142 - Tekući transfer pojedincima – Transfer za implementaciju Zakona o pravima demobiliziranih branilaca i članova njihovih porodica koji se minjenja u naziv: „Transfer za implementaciju Zakona o pravima demobiliziranih branilaca i članova njihovih porodica (Borački dodatak)“, u - Programu 32012410201000 - Poboljšavanje društveno-ekonomskog statusa pripadnika boračke populacije i očuvanje tekovina odbrambeno-oslobodilačkog rata, uvećava se za 100.000.000,00 KM i sada iznosi 180.000.000,00 KM.

IZJAŠNJENJE
Amandman se ne prihvata
OBRAZLOŽENJE

Razlog neprihvatanja Amandmana ogleda se u činjenici da nisu donesene izmjene i dopune Zakona o pravima demobiliziranih boraca i članova njihovih porodica Federacije Bosne i Hercegovine, na osnovu kojeg bi se uveo i definisao tzv. borački dodatak. S obzirom na navedeno, u važećem pravnom okviru ne postoji jasno normativno uporište za planiranje i izvršavanje budžetskih sredstava po osnovu boračkog dodatka.

Naime, eventualnim donošenjem izmjena i dopuna navedenog Zakona potrebno je precizno definisati ključne elemente za budžetsko planiranje, i to, pojedinačni iznos boračkog dodatka, obuhvat korisnika na koje se pravo odnosi, kriterije za ostvarivanje prava, kao i ukupne fiskalne efekte primjene zakonskog rješenja, uz jasno utvrđenu namjenu sredstava. Bez navedenih elemenata nije moguće izvršiti vjerodostojnu fiskalnu procjenu, niti osigurati usklađenost sa principima fiskalne odgovornosti, transparentnosti i zakonitosti u planiranju i izvršavanju Budžeta Federacije Bosne i Hercegovine. Planiranje sredstava u iznosu od 100.000.000,00 KM za namjenu koja nije jasno definisana važećim propisom predstavljalo bi značajan fiskalni rizik i odstupanje od utvrđenih budžetskih procedura.

Ukoliko u narednom periodu budu donesene izmjene i dopune Zakona o pravima demobiliziranih boraca i članova njihovih porodica Federacije Bosne i Hercegovine, sa jasno definisanim pravima, obuhvatom korisnika i fiskalnim implikacijama, Vlada Federacije Bosne i Hercegovine će razmotriti obezbjeđenje potrebnih sredstava putem izmjena i dopuna Budžeta Federacije Bosne i Hercegovine za 2026. godinu, odnosno na druge načine predviđene Zakonom o budžetima u Federaciji Bosne i Hercegovine i Zakonom o izvršavanju Budžeta Federacije Bosne i Hercegovine za 2026. godinu.

IZJAŠNENJE

o amandmanima na Prijedlog Budžeta Federacije Bosne i Hercegovine za 2026. godinu, koje je podnijela Marijela Hašimbegović, delegat u Domu naroda Parlamenta Federacije BiH

AMANDMAN I

U Razdjelu 17 (Federalno ministarstvo energije, rudarstva i industrije), Glava 17.01 (Centralni depozit), na Programu 0501 (Podrška industriji), ekonomski kod 614200 (Subvencije privatnim preduzećima i poduzetnicima), planirani iznos se uvećava za 15.000.000 KM.

Sredstva se obezbjeđuju umanjnjem sredstava u Razdjelu 12 (Vlada FBiH), Glava 12.01, na Programu 0101 (Administracija i upravljanje), ekonomski kod 821300 (Nabavka opreme - vozila) i ekonomski kod 613900 (Ugovorene usluge).

AMANDMAN II

U okviru Razdjela 17 (Federalno ministarstvo energije, rudarstva i industrije), unutar Programa 0501 (Podrška industriji), otvara se nova stavka/aktivnost: „Program podrške dekarbonizaciji malih i srednjih preduzeća (vaučeri za CBAM)“, ekonomski kod 614200, u iznosu od 2.000.000 KM.

Sredstva se obezbjeđuju umanjnjem sa Razdjela 11 (Ured Premijera/Vlada FBiH), ekonomski kod 600000 (Tekuća rezerva Vlade Federacije).

IZJAŠNENJE

Amandmani se ne prihvataju
OBRAZLOŽENJE

Prije svega, predloženi amandmani **nisu tehnički ispravni**, budući da u njihovom tekstu **nisu jasno i precizno naznačeni pojedinačni iznosi smanjenja po navedenim ekonomskim kodovima**. Na taj način nije moguće utvrditi tačan finansijski efekat amandmana, niti osigurati njihovu pravilnu implementaciju u okviru budžetske strukture i važeće budžetske klasifikacije.

Neovisno o navedenom, a imajući u vidu i suštinu predloženog amandmana I, ukazuje se da sredstva planirana na ekonomskom kodu 821300 – Nabavka opreme (vozila) predstavljaju dio redovnog procesa obnove voznog parka institucija Federacije Bosne i Hercegovine, čime se preduprjeđuju povećani troškovi održavanja i osigurava operativna efikasnost u obavljanju službenih poslova. Značajan dio ovih sredstava namijenjen je nabavci **namjenskih vozila za potrebe inspeksijskih organa i drugih institucija** u okviru Vlade Federacije Bosne i Hercegovine, čiji rad podrazumijeva kontinuirane terenske aktivnosti.

Također, ekonomski kod 613900 – Ugovorene usluge obuhvata širok spektar rashoda neophodnih za redovan i zakonit rad institucija, uključujući izdatke za informisanje, usluge stručnog obrazovanja i osposobljavanja, stručne i savjetodavne usluge, medicinske i laboratorijske usluge, usluge ispitivanja okoline, zatezne kamate i troškove sudskih sporova, izdatke po osnovu drugih samostalnih djelatnosti i povremenog samostalnog rada, kao i pripadajuće poreze i doprinose. Navedeni rashodi su u postupku pripreme i izrade Budžeta Federacije Bosne i Hercegovine analizirani i procijenjeni u skladu sa realnim potrebama, te planirani isključivo u svrhu obezbjeđenja redovnog funkcionisanja institucija.

Po pitanju amandmana II, a u skladu sa članom 60. Zakona o budžetima u Federaciji Bosne i Hercegovine („Službene novine Federacije BiH“ br. 102/13, 9/14, 13/14, 8/15, 9/15, 102/15, 104/16, 5/18, 11/19, 99/19, 25a/22 i 7/25) sredstva tekuće rezerve, planirana u budžetu, koriste se za nepredviđene namjene, za koje u budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju budžeta nije bilo moguće predvidjeti. Sredstva tekuće rezerve mogu iznositi najviše do 3% planiranih prihoda, bez namjenskih prihoda, vlastitih prihoda i primitaka. Obzirom na iskustva iz prethodnih godina, u slučajevima poplava, suše i ostalih elementarnih nepogoda, činjenica je da se jedino iz sredstava tekuće rezerve mogu sanirati pomenuti hitni i nepredviđeni izdaci. Imajući u vidu navedeno, Vlada Federacije Bosne i Hercegovine je stava da umanjivanje sredstava tekuće rezerve za bilo koju drugu namjenu u budžetu nije prihvatljivo.

Smanjenje sredstava na navedenim ekonomskim kodovima moglo bi dovesti do otežanog izvršavanja zakonom propisanih nadležnosti, poremećaja u radu institucija, kao i do povećanja fiskalnih obaveza u narednom periodu. Iz navedenih razloga, amandman se ne može prihvatiti.

V. broj: 99 /2026
23.01.2026. godine
Sarajevo

